



## SIARAN MEDIA

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
Tel: 03-8887 7033 Faks: 03-8881 1008

### **PERBADANAN PUTRAJAYA TERIMA EMPAT PERABOT TAMAN WOOD PLASTIC COMPOSITE (WPC)**

**PUTRAJAYA**, 3 Jun 2022 – Perbadanan Putrajaya (PPj) terima empat (4) perabot taman *Wood Plastic Composite* (WPC) daripada Lembaga Perindustrian Kayu Malaysia di Majlis Penyerahan Perabot Taman *Wood Plastic Composite* (WPC) dan Pertukaran Nota Kolaborasi bagi Projek Penggalakan Pasaran dan Promosi WPC bertempat di Anjung Floria, Presint 4, Putrajaya.

Penyerahan set perabot disempurnakan oleh Ketua Pengarah Lembaga Perindustrian Kayu Malaysia (MTIB), YBrs. Tuan Haji Mahpar Atan dan Naib Presiden Kanan PPj, YBhg Dato' TPr. Fadlun Bin Mak Ujud. Turut hadir bersama ialah Naib Presiden Jabatan Landskap dan Taman PPj, YBrs LAr. Aziz Bin Buang dan Setiausaha Bahagian Kanan Bahagian Kemajuan Industri Kayu Kayan, Tembakau dan Kenaf (KTK), YBrs. Encik Pubadi a/l Govindasamy.

Produk WPC adalah produk alternatif kayu bercirikan hijau dan mesra alam. Ia dihasilkan daripada dua bahan utama iaitu gentian semula jadi dan juga plastik. Penggunaan gentian semula jadi bagi penghasilan produk berasaskan kayu dapat mengurangkan kebergantungan terhadap sumber hutan asli. Produk WPC juga menyerupai kayu semula jadi, mempunyai ketahanan terhadap lembapan dan serangan anai-anai serta memerlukan penyelenggaraan yang minimum.

Empat set perabot taman berasaskan WPC ini bakal ditempatkan di Anjung Floria, Presint 4 Putrajaya. Set perabot taman yang dihasilkan terdiri daripada 4 bangku taman (*bench*), meja dan tong sampah (*litter bin*). Anjung Floria merupakan antara lokasi tarikan baru di Putrajaya yang menempatkan Pit-Stop @ Anjung Floria, *Lake Cabin*, Pantai Floria serta Garden Shop dan lokasi Floria Diraja Putrajaya yang bakal berlangsung pada 29 Ogos hingga 4 September 2022. Perletakan 4 set perabot taman di Anjung Floria ini amat bertetapan memandangkan terdapat banyak kemudahan taman yang berasaskan kayu perlu ditukar dan dinaiktaraf khususnya di taman-taman awam. Perabot ini juga dapat dimanfaatkan oleh pengunjung yang hadir untuk beriadah di Anjung Floria di samping mempromosikan perabot taman yang menggunakan WPC berkonsep hijau dan mesra alam kepada orang ramai.

Pada masa yang sama, turut disaksikan pertukaran nota kolaborasi antara PPj dan MITB dalam menggalakkan serta mempromosi penggunaan WPC dalam aplikasi *non structural* serta meningkatkan kesedaran awam tentang kewujudan produk biokomposit dan gentian sebagai bahan alternatif kayu.

Penyerahan dan pertukaran nota kolaborasi merupakan salah satu usaha PPj dalam memastikan Putrajaya menjadi sebuah Bandaraya Pentadbiran Mampan bertaraf dunia dalam semua aspek serta bandar hijau dan bandar pintar menjelang 2025. Penggunaan produk WPC yang merupakan produk alternatif kayu berciri hijau dan mesra alam ini perlu diperluaskan penggunaannya dalam memastikan penggunaan gentian semula jadi bagi penghasilan produk berasaskan kayu dapat dikurangkan dalam kebergantungan terhadap sumber asli bagi memastikan pembangunan industri per kayu negara yang mampan.

Dengan projek kolaborasi ini PPj berharap galakan penggunaan produk biokomposit khususnya *wood plastic composite* ini diperluaskan sebagai salah satu material gentian yang lebih tahan dan menjimatkan selain dapat membantu meningkatkan jualan produk WPC tempatan serta dapat menyokong industri WPC Malaysia.



(TPr. NORZITA BINTI ABDUL RAZAK)

Pengarah Komunikasi Korporat  
b.p. Presiden Perbadanan Putrajaya

Tarikh: 3 Jun 2022

---

Keterangan lanjut berhubung siaran media ini, sila hubungi Pegawai Media PPj, Encik Mohd Fairus Bin Mohd Padzil di talian 019-3354346